

# ТОШКЕНТ

## ОҚШОМИ

Газета 1966 йил  
1 июлдан  
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 13 (10.318)

2005 ЙИЛ 19 ЯНВАРЬ

### ПОЙТАХТНИНГ Бир кунни

Янгиликлар, воқеалар

#### ҚИСҚА сатрларда

● **БУГУН** Тошкент шаҳар "Маҳалла" жамғармасида ўтган йилда бажарилган ишлар ҳамда жорий йилги режалар муҳокамасига бағишланган ҳисобот йиғилиши бўлиб ўтди.

● **ЭРТАГА** "Камолот" ёшлар ижтимоий ҳаракати Акмал Икромов туман Кенгаши ташаббуси билан мактабларнинг юқори синф ўқувчилари Олий ўқув юрталари фаолияти билан яқиндан танишиш мақсадида Тошкент ислом университетида боришади.

● **КЕЧА** Миробод туманидаги мактабларнинг "Камолот" ёшлар ижтимоий ҳаракати сардорлари Ўзбекистон Давлат тарихи музейига экскурсия қилишди.

● **ЎТГАН** куни Тошкент туризм касб-хунар коллежида "Маънавият ва маърифат" марказининг Юнусобод туман бўлими ташаббуси билан уюштирилган тад-

бир академик ёзувчи Мусо Тошмухаммад ўғли Ойбек таваллудининг 100 йиллигига бағишланди.

● **БУГУН** Миробод туманида ҳуқуқшунослар иштирокида ҳуқуқий саводхонликни оширишнинг истиқболли йўналишлари бағишланган семинар ўтказилди.

● **"КАМОЛОТ"** ёшлар ижтимоий ҳаракати Яккасарой туман Кенгаши ташаббуси билан тумандаги фаол ёшлар фахрийлар, қариялар хонадонларига бориб, кексалар ҳолидан хабар олишди.

● **ЎЗБЕКИСТОН** Республикаси Халқ таълими вазирлигига қарашли касбга йўналтирувчи лицейда ёшларни ватанпарварлик руҳида тарбиялашнинг муҳим омилларига бағишлаб ўтказилган тадбирда ўқитувчилар ва ўқувчилар иштирок этишди.

Тошкент шаҳар ҳокимлиги  
Матбуот хизмати ва ўз  
мухбирларимиз хабарларидан.

Келажакимиз умидлари бўлган ёшларнинг чуқур билим олишлари, бирон касб-хунарни мукаммал ўрганишлари учун давлатимиз томонидан қатор амалий ишлар амалга оширилмоқда.

**СУРАТДА:**  
Мирзо Улуғбек

Саноат касб-хунар коллежида ҳам ўқув жараёни амалиёт билан уйғунликда олиб борилади.



Тоҳир Нигматуллин олган сурат.

Ўзбекистон ташқи иқтисодий алоқалар агентлигида Ўзбекистон Республикаси билан Германия Федератив Республикаси ўртасида молиявий ҳамкорлик бўйича ҳукуматлараро битим имзоланди.

## СОҒЛИҚНИ САҚЛАШ СОҲАСИДАГИ ҲАМКОРЛИК

Ҳужжатга мувофиқ, Германия ҳукумати Ўзбекистонга 2,5 миллион евролик грант ажратади. Ушбу маблағ мамлакатимизда сил касаллигига қарши курашишга доир лойиҳани такомиллаштиришга сарфланади.

Таъкидламоқ жоизки, Германия 2000 йилдан буён Ўзбекистонда DOTS дастури доирасида сил касалликларига қарши курашиш, бунинг учун зарур тиббий ва

техникавий воситалар, лаборатория ускуналарини харид қилиш, тиббиёт ходимлари малакасини ошириш мақсадида умумий қиймати 7,5 миллион еврога тенг уч лойиҳа учун маблағ ажратган.

Шунингдек, имзоланган битимга мувофиқ, Германия ҳукумати Ўзбекистонда ахборот-коммуникациялари технологиялари соҳасида касбий таълим тизимини такомиллаштиришга

қаратилган 1,2 миллион евро миқдоридagi имтиёзли кредит ҳам ажратади.

Ҳужжатга Ўзбекистон Республикаси Бош вазирининг ўринбосари, ташқи иқтисодий алоқалар агентлиги раиси Элёр Ганиев ҳамда Германиянинг мамлакатимиздаги Фавкулда ва мухтор элчиси Ханс-Йоахим Кидерлен имзо чекди.

Ф.АРЗИЕВ,  
ЎЗА мухбири

### XXI сағоси

Барча мамбалардан  
олинган сўягги хабарлар

#### Мамлакатимизда

● Мамлакатимизда сайлов кампаниясининг навбатдаги муҳим босқичи — Ўзбекистон Республикаси Олий Мажлиси Сенати аъзоларининг сайлови қизгин паллага кирди. Жойларда халқ депутатлари вилоят, туман ва шаҳар Кенгашлари депутатларининг қўшма мажлислари бўлиб ўтмоқда.

● Янги деҳқончилик мавсуми олдидан «Ўзагросуғурта» давлат акциядорлик компанияси қишлоқ ҳўжалиги экинларини сўғурталаш ишларини бошлаб юборди. Тошкент вилоятидаги ширкат ва фермер ҳўжаликларида айни кунларда 42 нафар суғурта агенти иш олиб бормоқда.

● Навоий вилояти, Навбахор туманидаги Кескентерак қишлоғида 2,5 минг нафардан зиёд аҳолига хизмат кўрсатувчи янги шиёхона фойдаланишга топширилди.

● Нукус шаҳрида замонавий «Ўмирлар маркази» иш бошлади. Бу ерда 15-17 ёшдаги йигит-қизларда аниқланган хасталикларни даволаш, уларни соғломлаштиришга доир ишлар амалга оширилади.

● Навоийдаги IATP марказида Янги йилда бошланган «Интернет» журналистика дастурини амалга ошириш борасида Ёш журналист мактаби тингловчилари иштирокида қатор семинарлар бўлиб ўтди.

#### Жаҳонда

● БМТ тараққий этган давлатларга мурожаат қилиб, ривожланаётган мамлакатларга ажратилаётган маблағни кўпайтиришга чақирди.

● Украина Олий суди мамлакат Марказий сайлов комиссиясининг Виктор Юшенкони Президентлик сайловларида голиб чиққанлигини тан олиш тўғрисидаги қарорини чоп этишга рухсат берди.

● Хорватияда бўлиб ўтган Президентлик сайловларида сайловчиларнинг 66 фоиз овозини олган давлатнинг ҳозирги раҳбари Степан Месич мамлакатни яна беш йил давомида бошқариш ҳуқуқига эга бўлди.

● Сатурннинг энг йирик табиий йўлдоши — Титанга Ниурец фазовий кемаси муваффақиятли кўниб сайёрада дастлабки тадқиқот ишларини бошлади. Маълум бўлишича, Титан атмосферасида азот ва метан газлари мавжуд.

● Москвада футбол бўйича «МДХ чемпионлар Кубоги-2005» турнири бошланди. Унда мамлакатимиз чемпиони «Пахтакор» жамоаси ҳам иштирок этмоқда.

### Ўзбекистон Журналистлари ижодий уюшмасининг

## «ЙИЛНИНГ ЭНГ ФАОЛ ЖУРНАЛИСТИ»

танловига марҳамат!

Азиз журналистлар! Матбуотда ўз дил сўзларини айтишда фаоллик кўрсатаётган жонқуяр ҳамкасблар, тарихга айланган 2004 йил Сизга қандай ижодий ютуқлар олиб келди? Ватанимизнинг мустақиллик йўлида собитқадамлар билан олға боришига муносиб ҳисса қўшаётган, кишиларнинг тафаккурида юз бераётган уйғониш, тикланиш ва янгилиниш жараёнларини юксак савияда маҳорат билан таъсирчан усулларда фойдаланган мақола, эшиттириш ва кўрсатувлар эълон қилдингизми?

Газета, журнал, радио, телевидение журналистлари, марҳамат, 2004 йил мобайнидаги энг сара ижод намуналарингизни «Йилнинг энг фаол

журналисти-2004» танлови ҳайъати-га тавсия этинг.

Ғолиблар 2005 йил 27 июнь — Матбуот ва оммавий ахборот воситалари ходимлари куни арафасида маълум бўлади ва тақдирланади.

Танловга тавсия этиладиган ижодий ишлар тахририят тавсияси билан Уюшманинг Қорақалпоғистон Республикаси, вилоятлар ва Тошкент шаҳри бўлимлари орқали топширилиши сўралади.

Мурожаат учун манзил: 700129, Тошкент шаҳри,  
Новий кўчаси, 30-уй, 3-қават,  
30-хона.

Телефонлар: 144-37-87;

144-69-65

## БИТИМ ИМЗОЛАНДИ

Шу йил 18 январда Тошкент шаҳрида Ўзбекистон Республикаси ва Польша Республикаси ҳукуматлари ўртасида ўзаро махфий ахборотларни ҳимоялаш тўғрисида Битим имзоланди.

Ҳукуматлараро Битимнинг имзоланиши XXI асрнинг катта хавфлари — халқаро терроризм, диний экстремизм, гиёвандлик ва уюшган жиноятчиликка қарши ҳамкорликда курашиш жаҳасида Ўзбекистон —Польша ўртасидаги икки томонлама муносабатлар доирасида амалга оширилди.

Битимни Ўзбекистон Республикаси ва Польша Республикаси ҳукуматлари топширишига биноан Ўзбекистон Республикаси Миллий хавфсизлик хизмати раиси Рустам Иноятов ва Польша Республикаси ички хавфсизлик агентлиги раҳбари Анджей Барчиковски имзоладилар.

Мазкур Битим икки томонлама муносабатларни тарқиб топтириш билан бирга махсус хизматларнинг ўзаро ҳамкорлигини ривожлантиришга имкон беради, иккала давлатлар хавфсизлигига турли хатарларга қарши биргаликда курашиш учун ҳуқуқий замин бўлади.

Ўзбекистон Республикаси  
ТИВ Матбуот хизмати

*Иқтисодий*

**СИФАТГА ЭЪТИБОР**

Маҳсулот сифати ва рақобатбардошлигига қаратилган эътибор нафақат ички, балки хориж бозорига ҳам унинг харидорлигини таъминлайди. Пойтахтимизда фаолият кўрсатаётган «Саидумар ота фарзандлари» хусусий корхонаси тadbиркорлари ҳам ана шу талабдан келиб чиқиб меҳнат қилишмоқда.

Авалло қурилиш материаллари билан савдо-сотиқни ташкил этиш мақсадида иш бошлаган корхонада, ўз дўконларини бунёд этиш учун зарур ашёлар ишлаб чиқариш йўлга қўйилди. Бунинг учун эса цех ташкил этилиб, 5 хил турдаги қурилиш ашёлари ишлаб чиқарила бошланди.

— Ҳа эҳтиёжмиздан ортган маҳсулотларга харидорлар сафи ортиб борди, — дейди корхона раҳбари, тadbиркор аёл Мукамбар Мақсудова. — Шу боис ҳам ишлаб чиқариш ҳажмини орттиришга, маҳсулот турларини кўпайтиришга ҳаракат қилдик. Энг асосийси эса маҳаллий хом ашёдан сифатли маҳсулотлар ишлаб чиқаришни ўзлаштирдик.

Ўтган йилда бозор иқтисодиёти талабларидан келиб чиққан корхона тadbиркорлари қурилиш ашёларидан ташқари босмахона дастгоҳларига эҳтиёт қисмлар, пахта тойлаш линиялари учун ҳам керакли қисмларни ишлаб чиқара бошладди. Шуниси эътиборлики, ҳозирда хусусий корхонада тайёрланаётган маҳсулотларга Қозоғистон ва Афғонистон давлатларидан ҳам буортмалар тушмоқда. Импонияларини ишга солаётган корхона жамоаси жорий йилда ана шундай буортмаларни ҳам уйдалаб, маҳсулот экспортини амалга оширишни режалашмоқда.

**ЗАМОНАВИЙ ДАСТГОҲЛАР ЁРДАМИДА**

«Спарта-сервис» масъулият чекланган жамиятида Россиянинг тўқув ва тикув дастгоҳларидан унумли фойдаланган ҳолда ишлаб чиқарилаётган полиакрил ип-калав ва ҳамда устки кийим-кечаклар ички бозорда муносиб ўрин эгалламоқда.

Муствақиллик шарофати билан ташкил этилган ушбу корхонада 90 дан зиёд ишчи-хизматчилар меҳнат қилиб, бугунги кунда бозорни ўрғаниш, харидор дид ва эҳтиёжини ҳисобга олиш асносида 30 турга яқин аёллар, эркеклар ва болалар устки кийим-кечаклари тайёрланмоқда.

— Маҳсулотларимиз турини талабга кўра тез-тез янгилан турадим, — дейди трикотаж маҳсулотлари ишлаб чиқариш цехи раҳбари Светлана Безакотова. — Моҳир модельер-конструкторларимиз илганишлари асосида яратилаётган ранг-баранг мавсумбop кийимлар, айниқса, харидорларимизга манзур бўлмоқда. Жорий йилда сўнгги урфдаги кийим-кечаклар тайёрлашга, сифатини эса талаблар даражасига етказишга янада эътибор қаратамиз. Нафақат ички бозорда, балки қўшни давлатларда ҳам харидорларимиз сафи кенгайиши йўлида ҳаракат қиламиз.

Шарофат БАХРОМОВА



*Бозор ва харидор*

**РАҚОБАТБАРДОШ МАҲСУЛОТЛАР**

Замон билан ҳамнафас, харидор дидини доимо ўрганиб боровчи тadbиркорлар томонидан тайёрланаётган маҳсулотлар ички бозоримизда муҳим ўрин эгаллаш тайин.

Шайхонтоҳур туманидаги «KONUT» масъулият чекланган жамияти ана шундай жамолар қаторидан ўрин олмоқда. Ўтган йили улар кўпгина ишларни амалга оширишга эришдилар. Хориждан келтирилган хом ашёдан экологик тоза турли жиҳозлар, дарпардалар, жалюзн ҳамда аксессуарлар тайёрлаб, миҳозларни мамнун этишди.

Қувонарлики, 2003 йилда 2-3 кишидан иборат бўлган жамоа бугунги кунга келиб 25 нафардан ортик малакали ишчи-хизматчиларни ўз сафига бирлаш-

тирди. Корхона тadbиркорлари туркиялик етук мутахассислар билан ўзаро манфаатли асосларда ҳамкорликни йўлга қўйганлар. Жумладан, маҳаллий ёшларимиздан иборат жамоа малакали дизайнери, мебелчи уста, моҳир тикувчи-бичувчиларнинг меҳнати ҳам самарали бўлмоқда. Ўтган 2004 йилда корхона раҳбари Шайхонтоҳур туманида ўтказилган «Ташаббус» кўрик-танловига фахрли 3-ўринни қўлга киритди.

Ҳеч бир муваффақият ўз-ўзиндан келмайди. Шу боис ҳам из-

ланиш янгилликка интилиш асосида иш юритаётган «KONUT»чиларнинг сифатли, рақобатбардош маҳсулотлари ҳар қандай нозиктаб миҳозларга ҳам маъқул бўлмоқда. Чунки маҳсулотлар тайёрлаш учун қўлланилаётган хом ашё ўзининг қўллаб афзалликларига эга: узoқ йиллар хизмат қилади, энгил, экологик тоза ва кўркамлиги билан ажралиб туради.

Янги йилни ҳам корхона тadbиркорлари аниқ мақсадларни кўзлаган ҳолда бошладилар. Эзгу мақсадларга эришиш йўлини эса жамоа аҳли аллақачон топганлигига шубҳа йўқ.

**Муҳаббат ҲАБИБУЛЛАЕВА СУРАТЛАРДА: «KONUT» масъулият чекланган жамиятининг «Чорсу» бозори ёнидаги янги бивоси кўриниши (ўндан чапга); тикув цехида.**

Ҳажимжон Солиҳов олган суратлар.

*Диктант*

*Янгиллик*

**ТАРМОҚНИНГ БИРИНЧИ БОСҚИЧИ**

Республикамиз пойтахтида рақамли янги алоқа тармоқ фойдаланишга топширилди. Ушбу лойиҳа «BUZTON» қўшма корхонаси томонидан амалга оширилди.

Мазкур корхона «Голден Телеком, ИНК» компанияси гуруҳи таркибида бўлиб, «SI-2000» русумли техник қўрилма негизда республикамизда рақамли янги телефон тармоғини юзга келтириш билан бевосита шугулланмоқда.

Тошкентдаги бу янги телефон станция ана шу тармоқнинг биринчи босқичи янглиб ишга туширилди. Татбиқ этилган бу йирик алоқа техникаси пойтахтимизда телефон хизмати қўратишнинг сифат жиҳатидан янада яхшилашда муҳим омил бўлиб саналади. Ақром АҲМЕДОВ

*2005 — Сихат-саломатлик йили*

**МУРУВВАТ ЁРДАМИ ТОПШИРИЛДИ**

Президентимиз ташаббусларни билан 2005 йилни Сихат-саломатлик йили деб эълон қилиниши «Соғлом авлод учун» халқаро хайрия жамғармаси зиммасига ҳам катта масъулият юклайди. Жорий йилда ҳам «Соғлом авлод учун» хайрия жамғармаси давлат дастурлари ҳамда ўз дастурлари йўналишида ўзининг хайрия тadbирларини амалга оширади.

Шуни айтиш керакки, Жамғарма томонидан Сихат-саломатлик йилга бағишланган чора-тadbирлар ва режалар белгилаб олинди. Жумладан, жамғарма мурувват йўналиши бўйича ўзининг хайрия тadbирларини амалга оширишда АҚШнинг «Амери Керс», «Сити Хоуп Интернешнл», Германиянинг «Фриденсдорф Интернешнл» ва бошқа халқаро хайрия ташкилотлари

билан ҳамкорликда самарали ишларни амалга ошириб келмоқда. Яқинда «Соғлом авлод учун» халқаро хайрия жамғармасида «Амери Керс» халқаро хайрия ташкилоти томонидан келтирилган мурувват ёрдамини республикамизнинг барча вилоятларидаги тиббий муассасаларга етказиш мақсадида жамғарманинг филиалларига топшириш маросими бўлиб ўтди.

«Соғлом авлод учун» халқаро хайрия жамғармасининг 2004 йилдаги фаолияти яқунларига бағишланган йиғилиши бўлиб ўтди.

**СОҒЛОМ АВЛОД КАМОЛОТИ ЙЎЛИДА**

Таъкидланганидек, «Меҳр ва мурувват йили» дастури ҳамда Вазирлар Маҳкамасининг «Оилада тиббий маданиятни ошириш, аёлларнинг соғлигини муствақамлаш, соғлом авлод туғилиши ва уни тарбиялашнинг устувор йўналишларини амалга ошириш чора-тadbирлари тўғрисида»ги қарори барча ишларда муҳим дастурийамал бўлиб хизмат қилмоқда.

Аҳолини тиббий-ижтимоий жиҳатдан муҳофаза-лаш, она ва бола саломатлигини яхшилаш мақсадида мамлакатимиздаги қарий икки мингга яқин кишлоқ ва маҳаллада истикомат қилаётган оила аъзолари тиббий кўриқдан ўтказилди. Эҳтиёмандларга жамғарма томонидан зарур дори-дармон, санитария-гигиена восталари, кийим-кечак ва бошқа мурувват ёрдами кўрсатилди.

Болалар спортини ривожлантириш, юртимиз йигит-қизларини соғлом турмуш талаблари руҳида тарбиялашга алоҳида эътибор қаратишмоқда. Тегишли ташкилотлар билан ҳамкорликда ташкил этилган синхрон сузиш бўйича «Сув париси» халқаро турнир, «Ўзбекистон» кубоги, стол тенниси бўйича «Соғлом авлод учун» кубогига даъвогарлар ўртасидаги республика мусобақалари айниқса қизиқarli ўтди.

Анжуманда 2005 йил мамлакатимиз Президентини Ислам Каримов томонидан «Сихат-саломатлик» йили деб эълон қилиниши муносабати билан бу борадаги хайрли ишларни янада кенгайтиришга қаратилган ишлар режаси белгилаб олинди.

ЎЗА

Аҳолининг ижтимоий ҳимояга муҳтож қатламларини муҳофаза қилиш мақсадида мурувват дастурлари бўйича 2004 йил давомида «Амери Керс» (АҚШ), «Norman AudioFon» ҳамда «Фриденсдорф Интернешнл» (Германия) халқаро ташкилотлари билан ҳамкорликда Ўзбекистонга 9652 364,49 АҚШ доллари ва 15 минг евро миқдорда дори-дармонлар, санитария ва гигиена восталари ҳамда тиббий жиҳозлардан иборат бўлган мурувват юклари келтирилди ва у республикамизнинг тиббиёт ва болалар муассасаларига, Меҳрибонлик, мурувват, саховат уйлари ва бошқа муассасаларга тарқатилди.

Тadbирдан мақсад аҳолининг ижтимоий муҳофазага муҳтож бўлган қатламига, ёлғиз кексалар ва ногиронларга меҳр ва мурувват кўрсатиш ҳамда уларга кенг жамоатчилик эътиборини жалб этишдан иборатдир.

Дилором ИКРОМОВА

**КЕЛАЖАК ПОЙДЕВОРИ**

Мамлакатимиз мустақилликка эришгач, биринчи галда мустабид тузум даврида издан чиқарилган иқтисодий секторни ривожлантиришга катта эътибор қаратилди. Бозор иқтисодиётига ўтишнинг ўзига хос, беш тамойилга асосланган ўзбекиона модели яратилди. Бугунги кунда қўлга киритилган ютуқлар ва босқичма-босқич эришилаётган марралар юртимизда олиб борилаётган иқтисодий ислохотларнинг нечоғлик тўғри эканлигидан далolatдир. Биргина 2003 йилдаги ижтимоий-иқтисодий ривожланиш якушлари, иқтисодий ислохотларнинг боришини таҳлил қилиш юқоридаги фикримизга исбот бўла олади.

Жумладан, 2003 йилда иқтисодиётни эркинлаштириш ва ислоҳ қилиш натижасида макрoиқтисодий барқарорлик ва иқтисодий ўсишнинг барқарорлиги таъминланди. Ялпи ички маҳсулот 4.4 фоизга, саноатда маҳсулот ишлаб чиқариш ҳажми 6.2 фоизга, истеъмол товарлари ишлаб чиқариш ҳажми 8.4 фоизга, пуллик хизматлар кўрсатиш 7.9 фоизга ўсди. Асосий сармояга инвестициялар миқдори эса 2002 йилдагига нисбатан 4.5 фоизга ўсди. Бюджет ва солиқ сийсати эркинлаштирилиб, фойдалан олинadиган солиқ ставкаси 24 фо-

издан 20 фоизгача, ижтимоий сугурта ажратмалари 37.3 фоиздан 35 фоизгача пасайтирилди. Фискал ундиришлар даражаси 2002 йилдагига таққосланганда ялпи ички маҳсулотга нисбатан 33 фоиздан 32.5 фоизгача камайди. Инфляция даражаси кескин пасайди ва 2002 йилдаги 21.6 фоиз ўрнига 2003 йилда 3.8 фоизни ташкил этди. Аҳолининг реал дарoмадлари 12.3 фоизга, тижорат банкларидаги омонатларга депозитлар 44 фоизга кўпайди. Кичик бизнес ва хусусий тadbиркорлик субъектларига берилаётган кредитлар 2.3 баробарга ўсди.

Натижада кичик бизнес ва хусусий тadbиркорлик изчил ривожланиб, кичик бизнеснинг ялпи ички маҳсулотдаги улуши 35.5 фоизни ташкил этди.

Юқоридаги рақамлардан ҳам кўриниб турибдики, яқин йиллар ичида мамлакатимизда олиб борилаётган ижтимоий-иқтисодий ислохотлар ўз самарасини бериб, серкўёш Ўзбекистонимиз жаҳоннинг илғор давлатлари сафидан ўрин олади.

Нодир ЮСУПОВ,  
Зокир МАШАЎ,  
Тошкент Молия институтини талабалари

## Маъин ИСТИҚБОЛЛИ АЛОҚА

Тошкент кимё-технология институти илмий жамоасининг Россия Федерациясига қилган сафари қутилган натижани берди. Олий ўқув юрти ректори бошлиқ бу делегациялар Россиядаги нуфузли таълим муассасалари билан ҳамкорлик шартномаларини тузиб қайтди.

Москвадаги Менделеев номидаги кимё-технология университети билан амалга ошириладиган алоқалар ҳам келгусида ўзининг ижобий самарасини беради. Ўзаро келишув бўйича ҳар икки олий ўқув юрти ўқувчи ва талабалари ҳамкорлиги кенг йўлга қўйилди.

Москвадаги Ломоносов номидаги кимё-технология фанлари академияси билан тузилган шартнома ҳар икки томон учун ҳам фойдали бўлади. Айниқса, илмий тадқиқот ишларини олиб боришда бу ҳамкорлик муҳим ўрин тутди.

Ўз навбатида россиялик шу соҳа мутахассислари республикамизга таширф буюриб, Тошкент кимё-технология институтини иш тажрибаси билан яқиндан танишадилар.

## СОБИҚ ЎҚУВЧИЛАР СОВҒАЛАРИ

Таниқли маърифатпарвар олим ва педагог Абдулла Авлониий сайъ-ҳаракатлари билан Тошкентда қатор билим ўчоқлари очилган эди. Пойтахтимизнинг Миробод туманида фаолият кўрсатиб келаётган 40-мактаб ҳам бу устоз маърифатчи асос солган эри.

Мана шунга ҳам 85 йил бўлди. Бу орада мазкур билим ўчоғида қатор яхши анъаналар қарор топди. Ўқувчиларга пухта билим беришга оид сайъ-ҳаракатлар ҳам ўз ижобий самарасини берди. Абдулла Авлониийнинг издошлари сони орта борди.

Бугунги кунда 328-урта мактаб деб юритилаётган бу илм даргоҳини битирган ўқувчилар учрашувлари ҳам ташкил этилмоқда.

Бундан 35 йил аввал мустақил ҳаётга йўланма олган ўқувчилар билан учрашув ҳам жуда мазмунли бўлди.

Собиқ ўқувчилар ўзлари билан бирга жонажон мактабларига эсдалик совғаларини олиб келишди. Улар орасида компьютер қурилмалари ҳам бор.

Акбар АЛИЕВ

## АДИБ УЙ-МУЗЕЙИ БОЙИМОҚДА

Мамлакатимизда Ўзбекистон халқ ёзувчиси Ойбек таваллудининг 100 йиллигига қизгин тайёргарлик кўрилмоқда. Вазирлар Маҳкамасининг «Мусо Тошмуҳаммад ўғли Ойбек таваллудининг юз йиллигини нишонлаш тўғрисида»ги қарори адиб ҳаёти ва ижодий фаолиятини, адабий меросини янада чуқур ўрганишда муҳим аҳамият касб этаптир.

Шу кунларда ёзувчи уй-музейида иш ҳар қачонгидан ҳам қизгин. Бу ташкилот қадимодан ёзувчилар, адабиёт ихлосмандлари, китобхон ёшларнинг қадами узилмайди.

Айни пайтда музей экспозициясини янгилаш устида иш олиб борилмоқда.



Мавжуд экспонатлар ёнига адиб ижоди, илмий ва ижтимоий фаолиятига дахлдор янги ҳужжат, сурат ва китоблар қўшилмоқда.

Юбилей муносабати билан уй-музейида янги бўлим ташкил этилаётди. Ундан Президентимиз Фармони билан ёзувчига берилган «Буюк хизматлари учун» ордени ҳамда адибнинг сўнги йилларда хорижда чоп этилган асарлари ўрин олади.

Н.ОЧИЛОВ,  
ЎЗА мухбири  
Муҳаммад АМИН  
(ЎЗА) олган  
суратлар.

## «ТУРОН» КУТУБХОНАСИДА АДАБИЙ КЕЧА

Шаҳримиздаги «Турон» илмий универсал кутубхонаси ўқув залида улкан адиб Мусо Тошмуҳаммад ўғли Ойбек таваллудининг 100 йиллигига бағишланган, Тошкент Давлат техника университети, Ўзбекистон Миллий университети, Тошкент Давлат аграр университети, Низомий номидаги Тошкент Давлат педагогика университети талаба-ёшлари иштирок этган адабий-бадиий кеча бўлиб ўтди. Кечани очган ва уни олиб борган адабиётшунос олим профессор Наим Каримов адибнинг илмий-адабий фаолияти, ҳаёт йўли, XX аср ўзбек адабиёти тарихида тутган ўрни ҳақида батафсил тўхталиб ўтди.

Сўзга чиққан академик Бахтиёр Назаров, адабиётшунос олимлар Собир Мирвалиев, Шухрат Ризаев, шу кутубхона директори Вазира Собирова, меҳнат фахрийси Анвар Мақсудов ва бошқалар адиб яратган асарлар марказидаги инсон ва унинг фалсафаси, унинг ўзлигини англашдаги роли, машҳур роман-

ларининг ўрганилиши, тарғиботи, методологияси, ечимлари, адиб тўғрисидаги хотираларда эса айрим ҳаётий лавҳалар мисолида унинг турмуш тарзига, руҳиятига сингиб кетган инсонпарварлик ғояларига эътибор қаратилди.

Шунингдек, кечада А.Хидоятлов номидаги ўзбек Давлат драма театри актёрла-

«Информатика» фани бўйича олиб борилган илмий изланишлар самарадорлигини таъминлашда истеъдодли толиби илмларнинг хиссалари катта бўлмоқда. Тошкент Ахборот технологиялари университетидан ҳам компьютер дастурларини яратиб йўлида ёш истеъодлар фаол қатнашмоқдалар.

## Маъналар

## ЙИЛНИНГ ЭНГ ЯХШИ ДАСТУРЧИСИ

Олий ўқув юртида ташкил этилган «Йилнинг энг яхши дастурчиси» кўрик-танлови ҳам иқтидорли талабалар учун жиддий синов бўлди. Ушбу беллашувда илмий, ташкилий ва ўқув-услубий йўналишлар, юқори даражада ҳимояланган тест тизимлари, фанлар бўйича вертуал лабораторияларга оид дастурлар ҳам тақдим этилди. Бундан ташқари дарс жадвалларини автоматик тузиш, таржима жараёнларига

бағишланган дастурлардан бир нечтаси ижобий баҳоланди. Уларнинг айримлари эса патент олиш учун тавсия этилди.

Талабаларнинг ўзлари тайёрлаган дастурлари университет илмий фаолияти ривожига қўшилган муносиб ҳисса деб топилди. Кўрик-танлов ғолиблари университетнинг энг изланувчан иқтидорли талабалари сафига қўшилдилар.

Анвар ВАЛИЕВ

ри Ўзбекистонда хизмат кўрсатган артистлар Доно Бобохонова, Азиза Бегматова ва бошқалар томонидан Ойбек асарлари асосида сахна кўринишлари ижро этилди. Ва улар тadbирда фазз бағишлабгина қолмай, балки тарихимиз ҳақидаги тушунчаларимизни янада бойитди.

Пойтахт университетлари талаба-ёшларини, олим, педагогу ижодкорларини, китоб тарғиботчиларини бириштирган ушбу тadbирда бир вақтлар улуг шоир ва мутафаккирлар Жомий ва Навоий, ажойиб тарихий эсдаликлар муаллифи Восифий кабиларнинг ижодига, яқинда 600 йиллиги нишонланган Хожа ахрор Валий қарашларига сингиб кетган инсонпарварлик ғояларининг давомийлигини кўриш мумкин ва унинг адабийлигига ишонинг келади.

Ҳасан АБДУНАЗАРОВ

## Бунёдкорлик

## САВОБ ИШГА БОШ ҚЎШАЁТГАНЛАР

Равон йўллар, мустаҳкам ва замонавий кўприкларнинг бунёд этилиши нафақат транспорт воситалари учун яратилган қулайлик, балки юртимиз, пойтахтимиз чиройи, кўркамлиги, ободлиги, аҳоли фаровонлиги йўлида амалга оширилаётган юмушлар сирасига киради.

Жаҳон андозалари даражасидаги мустаҳкам ва кўркам, ҳар томонлама қулай кўприкларни бунёд этишда пойтахтимизда фаолият кўрсатаётган 13-кўприк қурилиши отряди кўприксоzларининг ҳам ҳиссалари кагтадир. Мустақиллик йилларида улар нафақат пойтахтимизда, балки мамлакатимиз бўйлаб бунёд этилган улкан кўприклар қурилишида ҳам фаоллик кўрсатишди. Бу борда, албатта тўпланган тажриба, изланиш, лойиҳалар асосида сифатли иш олиб бориш муваффақиятлар гарови бўлди.

— Ўтган йилда «Амударё» кўприги қурилишида муваффақиятли иштирок этдик, — дейди отряднинг етакчи муҳандиси Қобил Алихўжаев. — Чап ва ўнг қирғоқ Туямуёйин канали устида 3 та кўприк қурилишини ниҳоясига етказдик. Шунингдек, пойтахтимиздаги кичик Ҳалқа йўли қурилишининг навбатдаги босқичида 440 метр узунликдаги кўприкни муддатидан фойдаланишга топширдик. Бу ишда 350 нафардан зиёд ишчи-хизматчимиз фаол қатнашди ҳамда «Қоралпоқкўприкқурилиши» ва 67-кўприк қурилиши отрядлари ёрдамчи пудратчи-

лар сифатида кўприксоzларимизга яқиндан кўмак беришди.

Ҳозирги кунда эса отряд жамоаси янги йилни яхши ниятлар билан кутиб олиб Тошкент — Ҳазалкент йўлидаги Чирчиқ дарёси устида «Чорвоқ» кўприги қурилишида меҳнат қилмоқда. Узунлиги 230 метрлик ушбу иншоот тез ва соз, мустаҳкам қад ростлашда ҳар бир бунёдкор куч-ғайрат сарфламоқда.

Кўприк қурилиши учун зарур бўлган арматура маҳсулотларини отряд қошидаги арматура цехи ишчилари тайёрлаб беришмоқда. Цехда Бекобод металлургия комбинатидан келтирилган хом ашё — арматура буюртма асосида турли ҳажм ва шаклда тайёр маҳсулот ҳолига келтирилади ҳамда қурилиш майдонига етказиб берилади.

— Цехимиз жамоаси керакли дастоҳлардан унумли фойдаланиб ҳар бир буюртмани муддатидан ва сифатли бажаришга интилади, — дейди иш юритувчи Лазиз Салимов. — Тайёрлаётган арматура маҳсулотларимиз қурилайётган кўприклар-



римиз мустаҳкамлигини таъминлашда катта аҳамият касб этади. Тажрибали ишчиларимиз вақтдан унумли фойдаланган ҳолда, сифатни ҳам унутишмайди. Бу борда «Шухрат» медали соҳиби Найля Фёдоровна, Люба Сергеевна, Шаҳодат Никитина, Венера Сергееваларнинг меҳнатларини таъкиллаш ўринли.

Отряд кўприксоzлари жорий йилда ҳам пойтахтимиздаги кичик Ҳалқа йўли бўйлаб кўприкларни бунёд этишни зиммаларига олиш ниятида. Албатта, улар кўприк қуриш азалдан савобли иш эканлини билишди ва бундай хайрли ишга бош қўшаётганларидан фахрланиб меҳнат қилишмоқда.

Дилноза СОДИҚОВА

СУРАТДА: 13-кўприк қурилиши отряди арматура цехи илғорлари фаолиятлари ҳақида.

Ҳақимжон Солиҳов олган сурат.

### МЕХР ВА МУРУВВАТ БУЛОҒИ

- Киши ўздан яхши ном қолдириши учун бутун ҳаёти давомида ўзгаларга меҳр-оқибатли бўлиши керак.
- Ҳаётда саховатли инсонлар кўп. Улар яна шуниси билан характерлики, етим-есирлар ва бева-бечораларга қилган ёрдамларини ўзгалардан пинҳон тутадилар.
- Ўзгалар кадр-қимматини англаш, уларга меҳр ва мурувват булогини очиш ақлли одамни янада камтарин, шунинг билан бирга янада салобатли қилади.
- Ўзгани хурмат қилмаган одамни бошқалар ҳам иззатламайди.
- Сен ҳақингда қандай фикрда бўлишларидан қатъи назар, сен ўзгалардан саховатингни аяма. Танбеҳга ҳам, мақтовга ҳам бирдек бепарво бўл.
- Меҳр-оқибат агар писанда қилинса, ҳақоратга айланади.
- Ўзгага қилган мурувватингни дўстга ҳам, душманга ҳам мақтама.
- Яхшилик қилган эмас, яхшилик кўрган гапирсин.
- Халқимизда яхшиликка яхшилик қайтар деган нақл бежиз айтилмаган. Бирор инсон сенга меҳр-мурувват кўрсатдими, ҳеч бўлмаса сен ундан ўз миннатдорчилигингни аяма.
- Қанча-қанча одамлар дунёда йўқлик сари кетишди, каттакатта бинолар қуриб, айвонига номларини битиб қўйишди, уларнинг тани тупроққа айланди, аммо яхши, меҳр-мурувватли инсон эди, деган номи ҳамон ўлмай яшамоқда.
- Бечорага ёрдам — у яхши хислат, Хоҳи душман бўлсин, хоҳи у улфат. Аср кетса агар оёқдан бежон Кўлин тутиб, ёрдам кўрсат ўша он.
- Бир донишманд айтиди: — Гўзал феъл-атворнинг нишонаси ўн нарсадир: биринчиси яхшилик, иккинчиси инсофли бўлиш, учинчиси бошқа одамлардан айб қидирмаслик, тўртинчиси бирор кишида ноҳўя ҳаракат кўрса уни яхши йўлга бошлаш, бешинчиси бир одам ўз айбига иқроқ бўлиб кечирим сўраса узрини қабул қилиш, олтинчиси бошқалар учун машаққатни ўз устига олиш, еттинчиси ўз манфаатини кўзлашмаслик, саккизинчиси очик юзли, ширин сўзли бўлиш. Тўққизинчиси, мухтожларнинг хожатини чиқариш, уларга қўлидан келганча меҳр ва мурувват кўрсатиш, ўнинчи нишонаси мулоийм ва тавозели бўлишдир.
- Сукут — саломатликдир, яхшилик — иззат-обрўдир. Сахийлик — улугликни келтиради.
- Қачон, қаерда, қандай ва нимайки қилсак — хоҳ яхшилик, хоҳ ёмонлик, ҳаммаси бир кун келиб ўз мевасини беради.
- Кимнинг яхши номи қолса ёдгор, Арзир бу дунёдан кетса бахтиёр.

Аслида ҳам ўтган йилнинг Меҳр ва мурувват йили деб номланишидан кўзланган мақсад одамларимиз қалбида эзгу туйғуларни уйғотишни давом эттириш, ўсиб келаётган авлодларимиз онгида ана шундай ноёб фазилатларни камол топтириш, бу хусусиятларни миллатимиз ҳаёт тарзининг узвий ва ажралмас бир қисмига айлантиришдан иборат эди. Чиндан ҳам Юртбошимиз таъбири билан айтганда: «Меҳр ва мурувват деганда, биз аввало жамиятимизда меҳр-шафқатга муҳтож бўлган ногиронлар ва етим-есирларга, бева-бечораларга, боқувчиларидан жудо бўлган, ёлғиз яшаётган одамлар ва кексаларга ғам-хўрлик кўрсатишни тасаввур қиламиз. Меҳр ва мурувват деганда, биз шаҳар ёки қишлоқ бўладими, ёрдам ва кўмакка эҳтиёж сезадиган кам таъминланган ва кўп болали оилаларга, турли сабабларга кўра ҳаётда омади келмаган, ўзини боқишга қийналаётган инсонларга моддий ва маънавий кўмак беришни назарда тутамиз».

Инсонлар манфаатини ўйлаб табаррук номлар билан аталаётган ҳар бир йилларимиз учун ўзига хос дастур тузилади. Жумладан, Меҳр ва мурувват йили учун ҳам алоҳида дастур қабул қилинди. Унинг ижросини таъминлаш учун йил давомида жуда кўплаб хайрли ишлар бажарилди. Агар бугун биз дастурда белгиланган тадбирлар учун қарийб 365 миллиард сўм сарфланганлигини айтганимиз бўлса ҳам умий манзара кўз ўнгимизда янада равшанроқ акс этади.

Бир донишманддан: «Инсондаги барча гўзал фазилатлардан қай бирини кўпроқ қадрлайсиз?» деб сўраганларида у: «Меҳр ва мурувватни» деган жавобни берган экан. Бойси шуки, меҳр ва мурувват бор жойда аҳиллик, меҳр-оқибатлилик, миллатлараро дўстлик муҳити мустақкам қарор топади.

Қисқа қилиб айтганда, Меҳр ва мурувват йили дастурининг маъно-мазмунига сингдирилган жамиятимизда ҳеч ким ўзини ёлғиз сезмаслиги, ҳеч ким эътибордан четда қолмаслиги керак, деган ғоя юртдошларимизни инсонпарварлик ишларига чорлагани барчамиз учун қувончдир.

Бугун биз ўз ўрнини Сихат-саломатлик йилига бўшатиб берган Меҳр ва мурувват йили билан хайрлашиш фикридан йироқмиз. Сабаби, меҳр кўзимизда, мурувват эса ҳамиша ишимизда, дилимизда ўз аксини топиб туради. Шунинг учун уни «Бор бўл Меҳр-мурувват, сен бизнинг қалбимизда, борлигимизда мудом сақланасан», деган илиқ сўзлар билан кузатиб қолиб янги Сихат-саломатлик йилимизни «Хуш келдинг, Сихат-саломатлик» деган дилкаш сўзлар билан кутиб олдик. Шу ўринда Сихат-саломатлик

ҳақида фикр юритишдан аввал бу хусусдаги гапни табаррук қарияларимизнинг «Саломатлик — туман бойлик» деган сўзларидан бошласак тўғрироқ бўлади деб билдик. Zero, саломатлик олтиндан қиммат. Жону жисми соғлом, куч-қуввати бор онгли инсон ҳар бир ишни бажаришга қодир. У меҳнатдан чарчамайди. Ўзининг бор кучини фойдали ишларга сарфлайди. Келажак порлоқ юртимизнинг корига яраб, унинг сарба-ланд кошонасига ақалли битта ғишт қўйганидан фахрланади. Албатта жамиятимизнинг ҳар бир аъзоси тинч ва фаровон, бахт-саодатли умр кечирини орзу қилади. Шу маънода одамларга муносиб турмуш тарзини яратиб бериш, аҳоли соғлигини сақлаш масаласи давлатимиз ва ҳукуматимизнинг доимий диққат марказида бўлиб келмоқда. Лекин оддий бир ҳақиқат — одамзотнинг соғлиги кўп жиҳатдан энг аввало унинг ўзига боғлиқ эканлигини унутмаслигимиз керак. Бу ҳаёт уммонида инсон яшар экан, у биринчи навбатда ўз соғлиги ҳақида қайғуриши лозим. Юртбошимиз таъкидлаганларидек: «Бунинг учун инсон ўз ҳаётини оқилона йўлга қўйиши, ҳар қандай касалликнинг олдини олиш учун соғлом ҳаёт тарзи ва турмуш маданияти талабларига амал қилиши шак-шубҳасиз катта ўрин тутаяди. Буни кўп асрлик ҳаёт тажрибаси ҳам, тиббиёт тажрибаси ҳам исботлаб келмоқда».

Йилимизнинг Сихат-саломатлик йили деб аталишидан кўзланган мақсад жисмонан соғ, маънавий жиҳатдан эса баркамол авлодни тарбиялаш, ёши улуг нурунийларимизнинг бутунги тўқин-сочинли кунларимиз нашъасини суриб, кўп

йиллар давомида сихат-саломат ҳаёт кечиринларига эришиш, республикамиз аҳолиси соғлом турмуш тарзи асосида яшашни учун зарур

зим», деган сўзлар бежиз тилга олинмаган. Бундан ташқари Фармойишда оналик ва болаликни муҳофазат қилиш, она соғлигини му-

қонунчилик палатаси ва маҳаллий Кенгашларга бўлиб ўтган сайловларда халқимиз ўзининг сиёсий етуқлиги ва ижтимоий фаоллиги

— Азиз болаларим, ўғил-қизларим, мен тўқсондан ошиб юз билан юзлашаётган инсонман,—деб ёзибди бизга меҳнат фахрийси Наима Қодирова. — Ҳар оқшом ўғил-қизларим, келинларим, набираларим туршовида, эъзозиламан. Ёлғиз вақтларимда радио эшитиб, телевизор кўриб тураман. Юртбошимизнинг Янги йили Сихат-саломатлик йили деб атаганликларини эшитиб, бошим осмонга етди. Инсон саломатлигининг қадрига етган кишининг мартабаси улуг бўлади. Чунки одамзот учун саломатлик энг катта бойлик. Бу ёруғ оламда яшаётган ҳар бир инсон борки, бир зум бўлсада иложи борича ўз соғлиги ҳақида қайғуриши, кундалик ташвишларни орқага ташлаб меҳнатининг роҳатини кўришга ҳаракат қилиши керак. Меҳнат қилган одам дам олиш соатларини ҳам тўғри ташкил қилса нур устига нур бўлади.

— Инсон — табиатнинг буюк мўъжизаси,—деб бошлайди ўз хатини ишчи Қобил Исоқов. — Шундай экан, у ўз саломатлигини асраган тақдирда табиатни, ҳаёт давомийлигини асраган бўлади. Мен яхши ният билан эълон қилинган Сихат-саломатлик йилида шундай фикр билан яшашини истардим. Чиндан ҳам бундай ўйлаб қарасак, кунларимиз иш, оила ташвиши, яна бир қанча юмушларни бажариш билан ўтди. Югур-югур билан ўтган кунларимизни ҳам билмай қоламиз. Ўзимиз, ўз соғлигимиз ҳақида қайғурмаймиз. Ҳатто, саломатлигимиз ёмонлашаётганини била туриб ҳам чала қолган юмушларимизни, даб-дабали тўйларимизни ўтказиб олиш дардида елиб-югураемиз. Бордию эртага бошимиз ётиққа тегиб қолса бу ёғи нима бўлади, деб ўйламаймиз. Иложи борича бу саволдан ўзимизни йироқ тутишга ҳаракат қиламиз. Афсуски ётиб қолсақ режадаги барча орзу-умидларимиз бирийўла чилпарчин бўлишини ҳаёлимизга келтирмаймиз. Йилимизнинг Сихат-саломатлик номи билан аталиши бизни ўз соғлимиз ҳақида бир қадар қайғуришга ундайди, деб ўйлайман...

Мустақиллик ўзи билан кўплаб қутлуғ аъёналарни бошлаб келди. Истиқлол туфайли йилларимиз бир-биридан мазмунли ва файзли кечмоқда. Бундан ўн-ўн беш кун муқаддам биз меҳр-оқибатга тўла бўлган йилимизни мамнунлик билан кузатиб, улугвор, салобатли қадамлар билан кириб келган 2005 — Сихат-саломатлик йилини қувонч ва бағрикенглик билан кутиб олдик. Ниятимиз битта: бу йилимиз ҳам ўтган йилларимиз сингари хайрли кечсин. Юртимизни ёмон кўзлардан асрасин, осмонимиз ҳамиша мусаффо бўлсин. Сихат-саломатлик йили ҳаммамизга қутлуғ келсин.

**Маҳмуд КОМИЛЖОНОВ**  
Ўзбекистонда хизмат кўрсатган журналист.

### СИХАТ-САЛОМАТЛИК — ТУМАН БОЙЛИК


- Соғлом одам табиатнинг энг бебаҳо асаридир.
- Соғлиқ — бойликдан аъло.
- Саломатликнинг баҳоси ҳеч қачон пасаймайди, чунки саломатлик йўқ жойда на фароғат ва на ҳаловат бор.
- Сиз ўз соғлигингизни тонг ва баҳордан оладиган хушроқ-ҳаловатингизга қараб баҳоланг.
- Бахтимизнинг ўндан тўққиз улуши соғлигимизга боғлиқ.
- Инсон узоқ умр кўриши мумкин, лекин биз ўзимизнинг тўққизинчиси, паллапартишлигимиз, ўз жисмимизга нисбатан шафқатсизлигимиз туфайли бу муҳдатни кўп йилларга қисқартириб юборамиз.
- Одамлар узоқ яшашни хошлашади-ю ammo соғлиқни эҳтиёт қилишмайди.
- Умр бизга сўнгги дақиқаларга қадар мардона ҳимоя қилиш шарти билан берилган.
- Саломатликни сақлаш ҳамда ҳар турли касалликларнинг олдини олишда бадантарбия ва ҳаракатдан яхши восита йўқ.
- Дунёда инсон руҳининг соғломлиги учун одам ҳаракати ва тафаккур машғулотидан кўра кучлироқ ҳакам топиламан. Zero, бу икки нарса инсоннинг саломат бўлиши учун кучли асос бўлиб, кимки бу икки нарсага амал қилишда хатога йўл қўйса кўпгина кўнгилсизликларга дучор бўлади.
- Ўзинг еб, ўзгага берсанг, эй инсон, Номинг улуг бўлур, вужудинг омон.
- Баданингнинг сенда ҳақлари бўлиб, бу ҳақларни ўз вақтида адо қилишинг лозим. Бу ҳақ шуки, соғлиқни сақлаш қонунларига тўла амал қилсан, озодалик ва покизалик шартларини жойига қўясан, ўтиришда, юришда, туришда, уйқуда, еб-ичишда, кийинишда, яшаш жойи ва ҳаводан фойдаланишда қоидага амал қилсан. Шунда табибга эҳтиёжинг тушмайди, дори-дармон қидириб овора бўлмайсан.
- Бутун куч саломатликни сақлашга қаратилиши лозим. Чунки саломатлигинг бузилса, ҳаётинг ва маишатинг бузилади. Ичишда, ейишда, ухлашда ҳаловат ва роҳат қолмайди.
- Соғлиқ — олтиндан қиммат.
- Машҳур табиблардан Ҳусайн Рамзий айтиди: — Инсон учун энг азиз ва муҳтарам бўлган нарса кучли ва соғлом бадандир. Соғлом бадан бир улуг ҳазинадирки, жамият учун фақат унинг ёрдами билан хизмат қилиб, зўр манфаат етказадилар. Соғлом бадан бир сармоядирки, қалам аҳллари унга таяниб жамиятни таълим ва тарбия этиш йўлида фойдали асарлар вужудга келтирадилар. Соғлом бадан улуг бир қувватдирки, унинг кўмаги билан музаффар армиялар азиз ватанларини душмандан қўриқлай оладилар.
- Сихат тиласанг кўп ема, Иззат тиласанг кўп дема.



Чилмар кадри

## БОҚИЙДИР МЕХР-МУРУВВАТ, БОР БЎЛ САЛОМАТЛИК

Азал-азалдан йилларни кузатиш ва кутиб олиш одатимиз бор. Жуда қисқа муддат, ниҳояти бир неча кунлар бизни эски йилдан ажратиб турибди. Бугун Янги йил режалари билан яшаямиз. Албатта, босиб ўтган ҳар бир йилимизнинг тарихда қолдирган ўз ўрни ва қадри бор. Шу маънода айтганимиз бўлсақ ўтган Меҳр ва мурувват йили ҳар жиҳатдан унумли, баракали ва кўнгилли кечди, десак янглишмаймиз. Йил давомида кўплаб савобли ишларга қўл урилди. Халқимиз ўртасида ширин сўзга ташна, саховатга муҳтож инсонларга меҳрли, мурувватли бўлишдек гўзал фазилатларимиз яна бир қарра ўзини кўрсатди.



бўлган шарт-шароитларни яратиб беришдан иборат. Ўзбекистон Республикаси Президентининг «Сихат—саломатлик йили» давлат дастурини шакллантириш борасидаги ташкилий, чора-тадбирлар тўғрисида»ги Фармойишда «Одамларда бебаҳо бойлик бўлган ўз соғлигини сақлашга тўғри ва масъулиятли муносабатда бўлиш, соғлом турмуш тарзи, ўз ҳаёт фаолиятини оқилона ташкил қилиш, саломатлик учун зарарли ва хатарли одатлардан воз кечиш, соғлом бўлиш, жисмоний ва руҳий жиҳатдан уйғун камол топнишга йўналтирилган ҳаётий фалсафани шакллантириш, ҳаётга, ўз сихат-саломатлигига худди мана шундай муносабат умумий эътироф этилган норма бўлиб қолиши ва болаликдан, шахснинг камол топа бошлаши давриданок сингдирилиши ло-

стаҳкамлаш ва соғлом фарзанд туғилиши, репродуктив саломатликни яхшилаш бўйича олиб борилаётган тадбирларни давом эттириш, гиёвандликка, чекишга, юқумли касалликларнинг тарқалишига қарши курашда жамоатчилик ҳамда фуқароларнинг ўзини ўзи бошқариш органлари ролини ошириш, пензионер ва ногиронларнинг саломатлигини мустаҳкамлаш, уларга тиббий, санаторий—курорт ва коммунал-маиший хизмат кўрсатишни яхшилаш масалаларига ҳам алоҳида ўрин берилган.

Ҳеч шубҳасиз айтиш мумкинки, Янги йилимизнинг Сихат-саломатлик йили деб номланиши жамиятимизнинг тараққиёт йўлида янги поғонага кўтарилишида, унинг моддий ва маънавий ҳаётида муҳим босқич бўлади. Бу фикрнинг нақадар тўғрилигини Олий Мажлиснинг

Шарқ дурдоналари

03-03 ЎРГАНИШ  
Домо бўлаву...

● ХИКОЯТ. Айтишларича бир бадавлат кишининг яккаю ягона ўғли бўлиб, у ниҳоятда исрофчи ва бехуда сарфловчи экан.

Байт:  
**Давлат ўйин учун эмас жаҳонда, ўзни сақлаш учун доим омонда!**

Ота ўз ўғлининг ноқобил эканини билгани учун олдиндан чора кўриб, улар пайтида унга насиҳат қилиб деди:

— Эй ўғлим, мен ўлганимдан кейин бойликларимнинг бари сенга қолади. Ишончим комилки, сен уларнинг барини бехуда сарфлаб битирасан. Кўлингда ҳеч нарса қолмай, оқлик ва ноқорлик билан охири ўлгимингга рози бўласан. Мен нариги ўйнинг бурчагидаги томинг шипига бир аркон боғлаб қўйибман. Жондан тўйган пайтида ўзингни ўша арконга осгин!

Ота шу гапларни айтиб жон берди. Ноқобил ўғил кўп ўтмай барча пулларни сарфлаб тамомлади. Охири гадоёйлик қилишдан ор қилиб ўзини осиб ўлдиришга қарор қилди. Отаси тайинлаб кетган уйга кириб, арконнинг учини бўйнига солиб, ўзини осди. Том тўсини уни кўтаролмай синиб ерга тушди. Шу он тупроқ аралаш отаси атайлаб ўғли учун беркитиб кетган бойликлар ҳам ерга тушди. Меҳнат билан топиладиган бойлик қадрини тушуниб етган ўғил энди пулни ўйлаб ишлатадиган, хайрли йулларга сарфлайдиган бўлди. Отаси хотираси учун халқни хушнуд қилишга ва саховат нуридан баҳраманд қилишга киришди.

Назм:  
**Кишида бўлмаса давлат удир ҳок,  
Давлатли кишига жаҳонда не бок!  
Давлат гоҳи келиб, гоҳида кетар,  
Бефаҳм кишилар ўзни йўқотар.**

● ХИКОЯТ. Айтишларича, бир ялқов қизни ўзидан ҳам ялқовроқ йигитга турмушга бердилар. Отаси қизига қараб деди: «Мана бу юмшоқ кўрпалар ва жиҳозлардан роҳатланиб, фойдаланиб олинглар, имоним комилки, сизлар юз йил турсаларингиз ҳам камбағалликдан ўзга нарса тугдира олмайсизлар».

● Ҳақимларнинг айтишича, шиховат, саховат ва хушхўлқилик энг аъло фазилатлар бўлиб, бу сифатларга эга бўлган кишилар доимо улуглик сармоясидан баҳрамандлик топганлар. Мазкур сифатлар ичида хушхўлқилик алоҳида диққатга сазовордир. Негаки шиховатга ахён-ахёнда иш тушади. Саховат олий фазилат бўлса-да, у барчага муяссар бўлавермайди, унинг уддасидан чиқиб учун кишига ҳар хил шарт-шароитлар керак. Аммо хушхўлқилик шундай нарсаси, унга барча одам ета олади. Ёқимли хулқ эгасидан барча катта-кичик хурсанд бўлади. Бундай хулқ эгаси бошқаларни хурсанд қилишдан ташқари ўзи ҳам доимо хурсанд юради, бошқалардан эса ўзига муҳаббат ва мулоимлик қайтади.

Китъа:  
**Абадий саодатнинг қалити хушфелликдир,  
Аммо унга баъзилар доим муяссар эрмас!**

**ЛИЗИНГ АСОСИДА ТЎҚИМАЧИЛИК УСКУНАЛАРИ**

Тошкентда Жанубий Кореянинг текстилни ускуналари ишлаб чиқаришга ихтисослашган "Ssangyong Machine Ind Ltd" компаниясининг тақдими бўлиб ўтди. Мазкур компаниянинг махсуслотларини Ўзбекистон бозорида лизинг асосида сотиш вазифасини "Ўзбек Лизинг Интернейшнл" акциядорлик жамияти ўз зиммасига олган.

Тақдимо маросимида сўзга чиққан Ssangyong компаниясининг МДХ бўйича вакили Жин Кунг Лининг таъкидлашича, компания 13 рўсумдаги ва 30 турдаги нархи 22 мингдан 120 минг АҚШ долларигача бўлган тўқув ускуналари ишлаб чиқаради. Лизинг асосида олинган ускуналар 45 кун мобайнида етказиб берилади. Бир кунда ўртача иккита машина ўрнатади.

— Сервиз хизмат кўрсатиш мақсадида компания бегараз ёрдам сифатида Тошкент Тўқимачилик ва энгил санат институтидан 120 минг АҚШ доллари миқдоридagi ускуналарни ўрнатади. Бу ерда ўзбекистонлик мутахассислар ускуналарни ишлатиш ва таъмирлашни ўрганишади, — деди Жин Кунг Ли.

— Ускуналарни лизинг асосида олувчи миҳознинг ижтимоий-ҳуқуқий маъқеи ва оладиган ускуна турининг фарқи йўқ, хоҳловчиларга берилади, — деди тадбирда сўзга чиққан, "Ўзбек лизинг интернейшнл" компаниясининг ижрочи директори Зафар Мустафоев. Фақатгина битта чеклов, бу ҳам бўлса унинг мулкчилик шаклида қўшма корхона ва акциядорлик жамиятларида давлат улushi 25 фоиздан ошмаган бўлиши керак.

Ускуналарни лизинг асосида беришининг шартларидан бири 50 минг АҚШ долларидан 1,2 миллион АҚШ долларигача бўлган гаров мулкларининг нархини шартнома суммасининг камида 50 фоизини бино ва иншоотлар ташкил этиши шарт. Шунингдек, З. Мустафоев лизинг олувчининг дефолт ҳолатига тўқиб қолганда, ишлаб чиқарувчи ёки этибди берувчининг ускуналарни қайта сотиб олиш тўғрисидаги келишуви ҳамда банк кафолатини компания томонидан кўриб чиқишини эътироф этди.

"Туркистон-пресс" маълумоти: Жанубий Кореянинг "Ssangyong Machine Ind Ltd" компанияси 1968 йилда ташкил топган. Унинг бош қорхонаси Сеул шаҳридан 70 километр узоқликдаги Почон шаҳрида жойлашган. 13 та ривожланган давлатларда компаниянинг ваколатхоналари фаолият юритмоқда. АҚШ, Туркия, Греция, Хитой, Эрон, Ҳиндистон ва бошқалар шулар жумласидандир. Компаниянинг йиллик айланма маблағи 60 миллион АҚШ доллари бўлиб, бир ойда 100 донга ускуна ишлаб чиқарилади.

**Алоуддин ҒАФФОРОВ,**  
"Туркистон-пресс"

Собир Раҳимов туманидаги "Эски шаҳар" маҳалласида "Аёл билан олам мунаввар" деб номланган тадбир бўлиб ўтди.

*Тағбирлар*

**АЁЛ БИЛАН ОЛАМ МУНАВВАР**

Кечада Чустий, "Аллон", "Чигатой дарвоза", "Алишер Навоий номили, жами саккизта маҳалланинг хотин-қизлари, маҳаллаларининг раислари, маҳаллаларнинг диний маърифат ҳамда маънавий-ахлоқий тарбия бўйича маслаҳатчилари ва "Эски шаҳар" маҳалласининг хотин-қизлари иштирок этдилар.

Тадбирда хотин-қизларни ижтимоий-ҳуқуқий жиҳатдан қўллаб-қувватлаш, оналик ва болаликни муҳофаза қилиш, аёлларнинг касбий, жисмоний, маънавий ва интеллектуал савиясини юксалтириш, миллий-диний аъёнларни тушунтириш, оилада тиббий маданиятни ошириш, хотин-қизларнинг соғлигини сақлаш, оила спортини ривожлантириш борасида мулоҳазалар юритилди, фикрлар билдирилди, ютуқ ва камчиликлар таҳлил қилинди ва режалар тузиб олиниб, тажриба алмашилди.

— Биз, — дейди "Эски шаҳар" маҳалласи хотин-қизлар комиссиясининг раиси Иноят Абдусоатова, — тадбир-

да келгусида ҳамкорликда, ҳамқадам бўлиб келишган ҳолда иш олиб боришга келишги олдиқ. Аёллар жуда зийрак ва тийрак, шунинг баробарида ўта заҳматқашдирлар. Уларнинг ҳар томонлама соғлом ва ўқтам бўлмоқликлари муҳим масала. Бунинг учун эса, оилада тиббий маданиятни оширишга алоҳида эътибор қаратилиши, спорт билан шуғулланиш, асосийси эса аёллар ҳар доим ўзларига эътибор беришлари керак.

Дарҳақиқат, "Эски шаҳар" маҳалласида аёллар фаолигини ошириш борасидаги ишлар қизгин кетаётган. Иноят Абдусоатова бошчилигида маҳаллада "Қизлар клуби"ни ташкил этиш, шунинг баробарида кичик тадбиркорлиқни ривожлантириш режалаштирилган.

Бундан қўзланган мақсад эса битта — хотин-қизларни иш билан таъминлаш, қизларни оилавий ҳаётга тайёрлаш уларнинг буш вақтларини фойдала ишларга сарф этишдан иборатдир.

**Гулчехра ДУРДИЕВА**

Тўйларимизнинг шуниси яхши-да! Турли-туман одамларни кўрасиз. Улар орасида узоқ йиллар кўрмаган баъзи таниш-билишларни, дўст-ёронларни учратиб, кўзингиз қувонади, кўнглингиз кўтарилади, улар билан самимий сўрашиб, дилингиз яйрайди!

Лекин, манави рўпарамда менга ахён-ахёнда қараб-қараб қўяётган, ўз вақтида саводимни чиқаришга ўз ҳиссасини қўшган ўқитувчимни 40 йилдан кейин учратаман деб сира ўйламаган эдим.

Тургун ака жуда талабчан, қаҳри қаттиқ, бирор ўқувчи гапини икки қилса юз-кўзи демай шапалоқ тортиб юборадиган, қаттиққўл ўқитувчи эди. Биз болалар ундан жуда ҳам ҳайиқар эдик. Танаффус пайтида ўқувчилар бир-бири билан гурпанглашиб шўхлик қилаётганида ёки дарс вақтида кимдир қилт этса, албатта Тургун акадан калтак ерди.

Одатда ҳар бир ўқувчи, беистисно, мактабда сабоқ берган ўқитувчисини узоқ йиллардан сўнг учратганида, албатта худди яқин қариндошини кўргандек уни бағрига босиб, чин дилдан самимий кўришади. Шундай дақиқаларда устозга бўлган катта меҳр, чуқур ҳурмат, миннатдорчилик туйғулари кишини аллақандай таъбирга сизмас ҳаяжонга солиши турган гап!

Лекин...  
Лекин, ўз даврида менга сабоқ берган, мана шу рўпарамда мендан негадир ҳануз кўзини узолмай тикилиб ўтирган ўқитувчим билан кўришим келмади... Ажаб, қалбимда унга нисбатан бирор ийлиқлик, самимийлик, ҳурмат каби фазилатлар озгина бўлса-да қолганини қаранг?!

Нега? Чунки... Чунки ўша очарчилик йиллари мактабларда юпун, қорни оч бола бечораларга ахён-ахёнда бўлса ҳам кийим-бош (калта халат, фуфайка, пойабзал) ва биз учун энг ёқимлиси гўштсиз гумма (думалоқ шаклдаги «пончик»), ҳар

оромгоҳлар, болалар боғчалари нима эканлигини билмаган, ярим оч, юпун биз болаларнинг кўзларини мўлтилатиб, ҳар бир ўқувчига иккитадан бериладиган «пончик»ни биттадан бериб доғда қолдирган ўқитувчи мана шу рўпарамда ўтирган Тургун ака эди!

*Турмуш гоҳраҳнасида*

**ДИЛ ЯРАСИ ТУЗАЛМАЙДИ**

«Ўқитувчи» нашриётида ишлаб юрган кезлар таҳририятимиз ходими Султонмурод Шарипов фарзандларининг тўйига атаб ҳовлисига ош берди. Бордик. Бизни ясагилиқ стол атрофида гулли кўрпачалар тўшалган жойга ўтқазилди. Ён-веримиздаги нотаниш меҳмонлар билан бош қимирлатиб сўрашдик. Ош тортилгунга қадар чой ичиб ўтирган эдик. Шу пайт рўпарамда ўтирган жуссаи кичикроқ, дўппилик киши диққат-эътиборимни ўзига тортди. Уни бир кўришдаёқ танидим! Бу киши қорни қора нонга ҳам тўймайдиган, машғум уруш туйғайли очарчилик бутун хонадонларнинг тинчасини қуритган 1943-44 йилларда Тахтапудлага 22-ўрта мактабда бизга дарс берган Тургун Яминов (исм-шарифи ўзгартирилди) эди.

биримизга баъзан яна уч-тўрт ош қошиқдан шакар ҳам бериларди. Айниқса «пончик» биз ўқувчиларнинг жони-дили эди. «Пончик» бериладиган кун ўқувчилар учун бамисоли катта байрам эди! Унинг ёқимли ҳиди бутун синфни тугтиб, иштаҳани карнай қилиб юборарди. Тургун ака кунора биз ўқувчиларни ўз парталарига ўтқазиб «пончик» тарқатиб чиқарди. Уни бирпасда ўша заҳоти ютоқиб еб қўяқолардик.

Ана шу «пончик» бериладиган кун, надоматлар бўлсинким, фақат бизнинг 2-«А»-синфи ўқувчиларидан бошқа барча синф ўқувчилари учун энг ёқимли, энг қувончли кун эди.

Лекин, афсуски фақат бизнинг синф учун бу кун ҳар гал худди қора кундек тушкунлик, аламзада кунга айланиб қолган эди?!

Ана шу «Нега?» деган саволнинг асосий сабабчиси уруш йилларида

Кунора норасида болаларнинг ризқини қийиб, 30 та, базан ундан ортиқ «пончик»ни кичкина жомадончасига жойлаб, бизни зор қақшатиб уйига олиб кетадиган мана шу рўпарамда ўтирган Тургун ака эди!

Ўша оғир, машаққатли йилларда болаларга меҳр-оқибат, раҳм-шафқат кўрсатиш ўрнига бизнинг синф ўқувчиларининг зиндага кўзинг борми демай ноини «туя» қилиб кетган бе-раҳм, бешафқат, ноинсоф ўқитувчи мана шу рўпарамда ўтирган Тургун ака эди!

Мен шунинг учун ҳам «Ассалому алайкум, ҳурматли устоз! Мен уруш йилларида сизга ўқинган ўқувчингизман. Соғ-саломат юрибсизми? Сизни кўриб бошим осмонга етди! Ҳамиша соғ-омон бўлинг. Яхши кунларда яна дийдор кўришайлик» дейишга шунча уринсам ҳам у билан сўрашишга сира тилим бормади, бормади-да?!

Ўша пайтлар мурғак қалбимда шу дили нопок ўқитувчимга нисбатан ҳануз сақланиб қолган нафрат қайтадан тугён уриб алангаланишига оз қолганли, ҳайрият, ошдан бўшаган лаганлар йиғиб олиниб, туришга фотиҳа ўқилди. Унинг ҳали ҳам ўзгармаган айёрони кўзларига мажбуран сўнгги бор боқиб, дилимда «Э, ҳайф сизга салом-алик!» деганча тўйхонани тарк этдим.

**Жаҳонгир ПИРМУҲАМЕДОВ**

**Бу ажиб дунё**

**ТАҚАНИНГ ХОСИЯТИ**

Машхур олим Нильс Бор уйининг дарвозасига тақа осиб куйилган эди.

Кунлардан бир кун кизиқувчан бир одам олимдан сўради:

— Мухтарам жаноб Бор! Сиз физика ва кимё оламида танилгансиз, машхур олимсиз, атом тузилишини ўргангансиз. Нахотки ирим-сиримларга ишонсангиз?

— Йўқ, албатта! Аммо, биласизми, тақанинг бир ажайиб хислати мавжуд — у иримларга ишонмайдиганларга ҳам ёрдам беради.

**БИР КИЛОГРАММ ПОМИДОР**

1 килограмм оғирликдаги помидор ва узунлиги ярим метр бўлган сабзи Шимол туманларининг бирида ўтказилган кўргазманинг хайратга солувчи экспонатларидан бўлди.

Россиянинг Ханти-Манси округида мана 25 йилдирки, аёзли иқлим шароитида етиштирилган табиат нознеъматларининг кўргазмаси ўтказилиб келинади.

Ўқорида айтилган помидор ва сабзи Гиннеснинг «Рекордлар китоби»га ёзилса арзигулик. Шимол ерининг ўзига хос совфаси бўлиши мумкин.

**НОН ИЧИДАГИ ОЛТИНГА УМИДВОРЛИК**

Клён шаҳридаги новвойхоналардан бирида ишлаб чиқарилаётган махсулотга талаб кундан-кунга ошиб бормоқда. Нон сотувга чиқарилиши билан харидорлар бир-бирини туртган, ёқалашган, сўккан... Хўш, гап нимада ўзи?

Ноннинг бошқа новвойхоналарда ишлаб чиқарилаётган махсулотдан мутлақо фарқи йўқ, яъни сифат, таъм масаласида у ҳам бошқа нонлар сингари. Новвойхона маъмурияти оммавий ахборот воситалари орқали шуни эълон қилган эдики, ҳар 5 мингта нондан биттасининг ичига олтин танга солиб пиширилган. Ана шу ноннинг ўзига насиб қилишидан харидорман деганининг ҳар бири умидвор.

Бу аслида рост гапми ёки ёлгонми, ҳеч ким билмайди. Новвойхона ходимларига эса ўз махсулотларининг харидоргир бўлгани муҳимдир...

**ТАДБИРКОР СОТУВЧИ**

АҚШнинг Мичиган штатида ғайриоддий воқеа рўй берди. Эрта сахар соат 7.50 да тўппонча билан курулланган номаълум шахс йўл ёқасида жойлашган ошхоналардан бирига кириб, кассада бор пулларни талаб қилди. Бироқ, саросимага тушмаган сотувчи талончига агарда бирор нарсага буюртма берилмаса кассани оча олмаслигини айтди.

Талончи бир дона пиёз беришни буюрди. Сотувчи эса уни гапга тутиб бир дона пиёз билан нонушта қилиб бўлмаслигини тушунтира кетди. Хафа бўлган талончи ошхонани ўлжасиз тарк этди.

**«ВАТАНПАРВАР»: ЯНГИ МУСОБАҚАЛАР МАВСУМИ БОШЛАНДИ**

Ўзбекистон мудофаасига кўмаклашувчи «Ватанпарвар» ташкилотининг Республика техник ва амалий спорт турлари марказида 2005 йилги мусобақалар мавсуми очилди.

«Супермотокросс» буйича ўтган Ўзбекистон биринчилигида ўттиз спортчи ўз маҳоратини намойиш этди.

Шахсий биринчиликда навоийлик Е.Заднов ҳамда пойтахтлик А.Кандрашев ўз йўналиши буйича шохсупанинг энг юқори поғонасидан жой олди. Тошкент вилояти вакили К.Сичев ва навоийлик Р.Ахмеров иккинчи ўринни эгаллади. Учинчи ўрин ангренлик А.Сазанов ҳамда навоийлик О.Жилинга насиб этди.

Клублар ўртасида эса Тошкент вилояти мотоспортчилари биринчи ўринни эгаллади.



Жонажон боғчамизда дилдан қувнаб ўйнаймиз, Ватанимиз мадҳини доим куйлаб яйраймиз.

Республика Киночилар уйида «Орзу ортида» деб аталган янги бадиий фильмнинг тақдими бўлиб ўтди. У «Ўзбекино» миллий агентлигининг «5-студия» ёшлар ижодий студиясида суратга олинди.

**«ОРЗУ ОРТИДА»**

Ҳар биримиз бахт тушунчасини ўзимизча англаймиз ва тасаввур қиламиз. Бироқ ҳар бир инсон албатта бахтли бўлиш ҳуқуқига эга. Ҳақиқий бахт учун кўп нарса керакми? Баъзан ҳаётда озгина эътибор ва ғамхўрлик, меҳр ва самимият етмай қолади. Муаллифлар фильмда намойиш этилган кундалик ишлар, турмуш орқали томошабинларни яна бир бор бу ҳақда ўйлаб кўришга, яқинларимизга кўпроқ меҳр кўрсатишга чақиради. «Орзу ортида» фильмининг бош мавзуси хо-

тин-қизларни ташвишлантираётган муаммолар, уларнинг орзу ва умидларидир.

Фильм сценарийси муаллифи ва бош режиссёри — Ёлқин Тўйчиев, бош оператор — Абдувоҳид Фаниев. Бастакор Анвар Эргашев басталаган мусиқа янги кино асарига ўзига хослик бахш этган. Бош ролларда Рустам Муродов, Зулхумор Мўминова, Нигора Каримбоева, Умида Норбоева, Шодия Тўхтаева ва бошқалар ўйнаган.

ЎЗА

Тошкент врачлар малакасини ошириш институтида «Лаборатория диагностикасининг долзарб муаммолари» мавзусида анжуман бошланди. Мазкур анжуман Тошкент, Самарқанд, Хива шаҳарларида икки ҳафта давомида бўлиб ўтади.

**ТАШХИС ТЎҒРИ БЎЛСА...**

Анжуманда республика, вилоят, шаҳар тиббий муассасаларининг, тиббиёт олий ўқув юр்தларининг лаборатория мутахассислари қатнашяпти.

— Бир неча йилдан буён Россияда ҳамкасблар билан лаборатория диагностикаси соҳасида ҳамкорлик қилиб келмоқдамиз, — деди врачлар малакасини ошириш институти ректори Жўрабой Собиров. — Айтиш мумкинки, бу соҳада биз бироз илгарилаб ҳам кетдик. Анжуман ишида Россия Федерациясидан мазкур соҳанинг таниқли мутахассиси тиббиёт фанлари доктори, профессор В. Долгов, Россия Федерацияси соғлиқни сақлаш ва ижтимоий ҳимоялаш вазирлиги лаборатория хизмати бош мутахассиси М. Почтарь иштирок этияпти.

Ушбу мавзудаги тadbир биринчи марта ўтказилляпти. Асосий эътибор назарий билимларни ўрганишга қаратилади. Ҳозирги пайтда дунёда тиббиёт жадал сурьатда ривожланаётганлиги

кузатиляпти. Касални тез ва самарали даволаш усуллари муваффақиятли кечяпти. Маълумки, лаборатория ташхиси тўғри кўйилса, беъморни даволаш осон кечади. Бунинг учун лаборатория хизмати янада ривожлантириш тақозо этилади.

«Саломатлик» дастури бўйича ўтказилган тендерда Италиянинг «Хоспитекс диагностика» компанияси ютиб чиқди. Шунга кўра компаниянинг икки минг тўпламга яқин замонавий тиббий асбоб-ускуналари республикамизга келтирилди. Биргина «Хема скринг 18» ускунаси бир ярим дақиқа ичида қоннинг 18 хил таркибини аниқлаб беради. Бу асбобда текшириш учун жуда ҳам оз миқдорда қон кифоя қилиниши билан ҳам ажралиб туради.

Анжуман давомида мутахассисларимиз мана шундай замонавий технологияларни ишлаштиши ҳам ўрганадилар.

Хусан СУЛАЙМОНОВ, «Туркистон-пресс»

**ТИЖОРАТ ХАБАРЛАРИ ВА ЭЪПОНЛАР**

Паст рентабелли, зарар кўриб ишлаётган, иқтисодий ночор давлат корхоналари ва паст ликвидли объектларни инвестор томонидан инвестиция мажбуриятлари қабул қилиниши шarti билан инвесторларга танлов асосида бепул бериш бўйича

**ТОШКЕНТ ШАҲАР ҲУДУДИЙ ТАНЛОВ КОМИССИЯСИ ҲАМДА ДАВЛАТ МУЛКИ ҚЎМИТАСИНING ТОШКЕНТ ШАҲАР БОШҚАРМАСИ**

2004 йил 27 декабрда Тошкент шаҳрида ўтказилган танлов савдоси натижасига кўра, куйидаги паст рентабелли давлат корхонаси инвестиция мажбуриятлари эвазига инвесторга бепул берилганлигини **МАЪЛУМ ҚИЛАДИ:**

№	Корхона номи	Манзили	Давлат улуши	Инвесторнинг тақлифлари		
				Фаолият тури бўйича (сақлаб қолиш ёки сақламаслик)	Инвестиция мажбуриятлари ҳажми (млн.сўм)	Инвестиция мажбуриятларининг бажарилиш муддати (йил)
1	2	3	4	5	6	7
1	22-ихтисослаштирилган механизациялашган кўчма колонна (СПМК-22)	Яккасарой тумани, Муқимий кўчаси, 3-уй	100	Фаолият турини сақлаб қолиш	400,0	2

**Спорт**

**КУЧЛИЛАР  
ТАҚДИРЛАН-  
ДИ**

Шахримиздаги «Ўзбекистон» меҳмонхонаси ресторанида 2004 йил якунларига бағишланган «Олимпия кечаси» бўлиб ўтди. Кечада маданият, спорт ва санъат соҳаси вакиллари иштирок этди.

Тадбирда 2004 йил якунлари бўйича маданият, санъат ва спорт соҳаси бўйича қатор номинациялар ғолибларига Ўзбекистон Маданият ва спорт ишлари вазирлигининг махсус дипломлари, қимматбаҳо совғалари топширилди. Жумладан, спорт соҳаси бўйича йилнинг энг яхши спортчиси, энг яхши олимпиадасиси, спорт маликаси, энг яхши мураббийси, энг яхши спорт жамоаси, энг иродали спортчиси, спорт журналисти ҳамда спортнинг энг яхши ҳомийлари тақдирланди.

**ҲАМШАҲАРЛАРИ-  
МИЗ — ЧЕМПИОН**

Баскетбол бўйича эркеклар ва аёллар ўртасида 2004 йилги мамлакат чемпионатининг ғолиблари аниқланди. Жумладан, эркеклар ўртасида кейинги йилларда ғолиблик шохсупасидан мунтазам ўрин олиб келаётган шахримизнинг МХСК-1 жамоаси яна мамлакат чемпиони бўлди.

Шуниси қувонарлики, иккинчи ўринни ҳам шахримизнинг яна бир жамоаси — Тошкент Давлат техника университети талаба-спортчилари эгаллашди.

Учинчи ўрин эса Бухоронинг «Университет» жамоасига насиб этди.

Аёллар ўртасида ўтказилган Ўзбекистон чемпионатида Навоийнинг «Ника» жамоасига тенг келадиганлар топилмади. Худди эркеклар чемпионатидаги каби Тошкент Давлат техника университети командаси яна иккинчи ўрин билан кифояланиб, кумуш медалларни қўлга киритди.

Энди баскетбол бўйича эркекларимиз терма жамоаси Бирлашган Араб Амирликларида бўлиб ўтадиган Осиё чемпионатининг финал bosқичига чиқиш учун саралаш ўйинларида иштирок этди.

(Ўз мухбиримиз)

Тошкент фармацевтика институти томонидан Исхаков Якубшало Маниевич номига берилган МВ №845254 рег. №6145-рақамли диплом йўқолганлиги сабабли **БЕКОР ҚИЛИНАДИ**

Собир Раҳимов туманидаги Беруний номи маҳалла фуқаролар йиғини Кенгаши аъзолари ушбу маҳалла оқсоқоли Саидахмад Обидовга онаси **БАШОРАТ аянинг** вафот этганлиги муносабати билан чуқур ҳамдардлик билдиради.

*Ҳар фаслнинг ўз хислати бор*

**ҚИШ ЗАВҚИ**

Осмондан қор ёғяпти. Қор эмас, ризқ-рўз, ун ёғяпти. Бутун борлиқ, табиат қор билан қопланган. Бутун зумрад қиш тароватидан бахраманд бободоҳқон далага отланган. Устига қордан оппоқ либос кийган, сокин мудроқ далалар эрта баҳор уйқудан уйғониб, бўлғуси кузда мўл-кўл ҳосил беришдан далолат бериб турибди. Унинг сеҳрли, меҳрли боқишида нималар акс садо бераётгани фақатгина деҳқонга аён. «Эй мен билан тилкаш ва дилкаш бободоҳқоним, — дея аста шивирлайди у, — бу йил сенга бағримни кенг очаман. Истаган еримга чўп тиксанг, дарахт бўлиб бераман, уруғ қадасанг, сербошоқ дондан мўл ҳосил оласан. Чигит эксанг, тонна-тонна пахта ҳадея этаман. Сенга нимаики маҳсулот керак бўлса ҳамма-хаммасини бераман. Фақат мендан меҳрингни дариг тутмасанг, она табиат ёгин-сочинини аямаса, қониб сув ичсам, нафақат сенга, балки ер юзидаги барча инсонларга мўл-кўл ноз-неъматлар ҳадея этаман».

Бугун табиат саховатидан нафақат деҳқон, балки бутун борлиқ миннатдор. Бугун шахримизнинг қайси гўшасига қараманг, кичкинтойларнинг қувноқ хандалари қулғингизга чалинади. Бугун чарогон кўчалар, файзли хиёбонлар ёшлар билан гавжум. Оппоқ қорни соғинган, чинакам қиш завқига тўлган ёшлар йўл кезиб чарчамайди. Улар қордан думалоқ коп-

ток ясаб бир-бирларига иргитишади, қизларга тегажоглик қилишади. Бижилдоқ шўх қизлар ҳам улар билан тенгма-тенг олишади. Қордан зувала ясаб уларга отишади. Қувноқ давралар тун қўйини безайди. Балки бу қор буронлари қайсидир йигит-қиз учун танишувга айланар. Шу биргина баҳона сабаб улар келажакда ахду паймон қилишар. Вақти келиб

тақдир иглари бир-бирига боғланар...

Бугун Чимён тоғларида бўлган киши бир олам завқ ва шавқ билан қайтади. Баланд қоялардан пастлик томон шамолдек тез учиб бораётган довурак чанғичиларнинг маҳорати-га бир зум маҳлиё бўлиб қоласиз. Хўв ана, оёғига конки боғлаб олган кичкинтой ясси тепалиқдан пастлик томон мардона шўнғиб борапти. Севимли фарзандининг худди моҳир чанғичилар сингари кўркмас ва довураклигидан ота-она мамун. Не ажабки, келажакда шу болакай ҳам спортнинг мана шу тури бўйича бўлиб ўтадиган халқаро нуфузли мусобақаларда фахрли ўринларни эгаллаб юртимиз байроғини баланд кўтарса. Қўлида чанаси билан онажонисининг этагидан маҳкам тутиб олган жажжи қизалоқ ҳам юксалик томон интилади. У ҳам тепалиқдан чанаси билан пастлик томон учиш орузида. Шундай бахтиёр дамларда теварак-атрофни кузата туриб, табиатнинг биз инсонларга бир олам қувонч бахш этган меҳри ва сеҳрига тасаннолар айтгинг келди. Беихтиёр тилимизга «Яша она табиат. Завкли ва қувончли қунар, Яша соғлом хаёб» деган ҳаётбахш сўзлар келди.

Маҳмуд ОРИПОВ



Ҳақимжон Солиҳов ва Тоҳир Ниғматуллин олган сурат-лавҳалар.

*Назм қилгани*

**КУМУШ  
МАВСУМ**

Паға-паға ёғар оппоқ қор,  
Осмон узра гўё тўзар пар.  
Нурдай балқир «оқ капалаклар»,  
Қанот силқиб дилларга ёқар.  
Паға-паға ёғар оппоқ қор,  
Мўъжизадир: нону ош ёғар.  
Ох, нақадар даволиги бор:  
Тананг қайраб қолмайди ғубор.  
Паға-паға ёғар оппоқ қор,  
Бугдой уни сочилар кўқдан.  
Осмонга боқ, булут сервикор —  
Булутларки чаққон ва ўқтам.  
Қиш келганда чойшабин ёйиб  
Табиатни айлар фусункор.  
Пок севгидай қалбга ўт ёқиб  
Кумуш мавсум ёғарсин қор!  
Абдуманноб ТОЖИЕВ

**ТИЖОРАТ ХАБАРЛАРИ ВА ЭЪЛОНЛАР — ТИЖОРАТ ХАБАРЛАРИ ВА ЭЪЛОНЛАР**

Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментининг Тошкент шаҳар ҳудудий бўлими томонидан, ваколатли органлар қарорларига асосан давлат даромадига ўтказиш ва қарз ҳисобига ундиришлик учун хатланиб банд солинган қуйидаги автоматотранспорт воситаларининг очик ким ошди савдоси ўтказилади.

**2005 йил 24 январда** қуйидаги автоматотранспорт воситаларининг ким ошди савдоси ўтказилади:

1. «Нексия» автомобили, 2003 йилда ишлаб чиқарилган, давлат рақам белгиси 30 J 3164, бошланғич нархи 2.023.510 сўм, техник носоз.

**Ким ошди савдолари соат 16.00 да бошланади.**

Савдода иштирок этишга ариза қабул қилиш ким ошди савдоси эълон қилинганидан 3 кун аввал тўхтатилади.

Ким ошди савдоси суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментининг Тошкент шаҳар ҳудудий бўлими биносида ўтказилади.

**Манзил: Тошкент шаҳри, Усмон Юсупов кўчаси, 3-уй, 2-қават.**

**Маълумот учун телефонлар: 144-54-08, 41-16-38.**

**ЧП «ИСТАРАВШОН»**

(умумий овқатланиш) савдо корхонасига ишлаб чиқариш мудири керак. Маълумоти шу соҳа бўйича олий ёки ўрта махсус, 5 ёки 6-ошпазлик тоифасига эга бўлиши, ёши 30 дан юқори, кафе ёки ресторанлардаги иш тажрибаси камида 5-10 йил бўлиши шарт.

**Қуйидаги манзилга мурожаат қилинг: Амир Темура хиббони, Курантлар, Охунбобоев кўчаси, 2-уй. Телефон: 133-47-93. Соат 9 дан 18.00 га қадар кўнғироқ қилинг.**



Муассис:  
Тошкент шаҳар  
ҳокимлиги

**Бош муҳаррир  
Акмали АҚРОМОВ**

Манзилимиз: 700000,  
Тошкент шаҳри,  
Матбуотчилар кўчаси, 32

**ТЕЛЕФОНЛАР:**

хатлар — 133-29-70;  
эълонлар:  
133-28-95, 136-57-65,  
факс: (3712) 133-21-56.

Ҳажми — 2 босма табоқ офсет усулида босилади.  
2812 нусхада босилади. Қоғоз биринчи А-3

Газета Тошкент шаҳар  
Матбуот ва ахборот  
бошқармасида 02-1-рақам  
билан рўйхатга олинган.

Душанба, сешанба, чоршанба,  
пайшанба ва жума кунлари чиқади.  
Нашир кўрсаткичи — 563

Пашрини етказиб бериш масалалари бўйича турар жойлардаги почта бўлимларига ёки «Тошкент почтаси»-га — 133-74-05 телефонига мурожаат қилишингиз мумкин.

Газета «Тошкент оқшоми»нинг компьютер марказида терилди ва саҳифаланди.

«Шарқ» нашриёт-матбаа ақшадорлик компанияси босмахонаси.  
Корхона манзили: «Буёқ Турон» кўчаси, 41-уй.